

記 載 美 艦 篇

一 百 三 十 四

十 一 月

即令赴內外蒙古謀生。就設工廠俾入習藝云。此皆擬議而未見實行之事。歲云暮矣。第一年籌備事宜。僅有諮議局章程督促籌辦之一事。足以應清單期限所云。而其頒布實先於籌備清單者。一月餘。特清單中追認爲籌備事宜耳。其餘必應發表者。尙有四事。悠忽坐忘。今年不過五十日。政府其尙有意乎。大行皇帝之末命。有餘恫矣。假國恤大事。以延緩要政。度非今日士夫所忍出也。

美艦篇

本年夏。美國定以太平洋艦隊。遊歷太平洋一周。其所到各埠及啟碇日期。預經總司令官開列行程表。呈美總統批准。蓋自六月初九日。由舊金山啟行。六月十八日抵火奴魯魯。六月二十五日發。七月十三日抵奧克倫。七月十九日發。七月二十四日抵雪梨。八月初一日發。八月初三日抵新金山。八月初十日發。八月十六日抵亞爾李尼。八月二十二日發。九月初七日抵斐列濱羣島。九月十六日發。九月二十三日抵橫濱。九月三十日發。十月初五日抵廈門。十月十一日發。十月十四日抵小呂宋。蓋自小呂宋屬美。此爲太平洋中美轄地之止境也。小呂宋距廈門近。吾政府指廈門爲招待之地。故艦隊經小呂宋抵廈。招待禮成而後歸。以表睦誼。按表所經各埠。凡火奴魯魯等地。略無足道。九月下旬。如期抵橫濱。表稱二

十三日。實以二十四日晨。抵橫濱港外。先是日本海軍省議定歡迎次序。(一)美國艦隊旋泊之際。於橫濱市建設臨時上陸場二處。並於水上警察署前及公園停車場等。設立案內所五處。每案內所均設郵便局。自動電話所。兌換店。無費通譯場等。(二)於司令長官之旗艦內。設電話機器。(三)司令長官入京時。市長當至新橋停車場迎接。並致歡迎之辭。(四)奉天皇陛下特旨。賜美艦司令長官以下九員。在芝離宮駐節。並賜馬車一輛。(五)政府爲該艦長以下。在帝國旅館準備寢室三十七間。大應接所一間。馬車三十七輛。供其使用。(六)美艦隊旋泊。將所有該艦隊之準士官。均送以東京橫濱間。橫濱國府津間。橫濱日光間。免資車券。(七)美艦下士以下。送以東京橫濱間。橫濱鎌倉間。鐵道火車免資之票。惟係指定之車。每人日祇一次。(八)每日特備專車。往來數次。(九)東京橫濱間各電車。凡美艦隊中人。概不收資。(一〇)著大倉喜八郎氏。每日開美術館。自上午九時至下午四時。(一一)於三越吳服店內。設休憩所。並備茶點。以款待之。二十三日。日本水師副提督率領兵艦兩艘。駛往橫濱口外。預備迎接美國艦隊。下午用無線電報往探消息。夜半三時。接得復電。知翌晨七時可到。天未明時。遙望西南角濃煙幾縷。美艦隊已鼓浪而來。六時半進口。計有戰艦十六艘。有名空納克結格篤者。爲美提督坐船。日本兵艦當卽升礮十三門。以表歡迎之意。

美艦答如禮。另有日本兵艦二艘。即駛回口內報信。其餘各美艦。由日本戰艦兩艘陪送進口。一時港內兵商各船。均黏有歡迎二字。岸上觀者如堵。至八時半。美艦升礮二十一門。日艦答如之。然後美提船上復升礮十五門。以致敬日水師提督。是日天氣甚佳。風平浪靜。美艦船身皆係白色。桅杆爲黃色。其時日本戰艦各水手齊呼萬歲。并奏國歌歡迎。美提督船亦回奏日本國歌答之。是時港內計有兩國兵艦三十五艘。各船均高懸旗幟。十時。日本提督上空納克結格篤船拜會。美艦當即還升十三礮。至下午。美提督及各將弁乘坐馬車往拜日總督。即就花園中款以茶點。并有日本跳舞戲。當美提上岸時。沿途行人異常擁擠。皆搖帽爲禮。後美日水師約三千人。共集於總督花園。日水師頌歡迎辭。略云。美國艦隊航海東來。行往橫濱。是處居民。深爲榮幸。憶五十年前。美水師名貝來者。曾助日本政府開關口岸。藉得與各國通商。於此五十年中。兩國交誼。愈覺親密。且日俄戰爭時。又承竭力調停。日本開賽珍會時。亦承力爲贊助。殊深感激云云。美提督施貝黎答辭致謝。中云。我美水師今日得至日本。深爲喜悅。且鄙意亦極願此一萬三千人。與貴國水師相見。近二十年。日美邦交。却更增親密。我美前助貴國政府整頓一切。并代爲收回治外法權。觀此。我兩國交誼當更增和好也。後至大飯廳赴宴。彼此互祝二國國君。及至晚間。兵艦均燃電光。照耀如白日。

至二十五日。美艦隊總司令官施貝黎少將。及諸海軍長官。皆至東京。日皇召見。設宴宮中。禮成而退。是晚。海軍省復大宴。以示歡迎。次日。寺內陸軍大臣邀請午餐。午後。東鄉海軍大將特開園遊會。晚桂首相復請晚餐。並開夜會。美艦隊總司令官。接美總統謝電一通。即轉致日政府。日皇亦即覆電答謝有差。日本招待之禮。大略如此。夫日本交通既便。設備亦較有素。吾廈門一役。騷擾數月。了無矜重之觀。事後。各報。嘖有煩言。蓋政府竭忠盡歡。以事交際。此意。或當爲外人所諒。要其倉皇之態。正不可掩。今次美艦抵廈前後情狀。以相對照焉。始政府指廈門爲招待美艦地。閩大吏即就廈摒擋。地方官不足以任此。外務部委專辦員以繼之。時專使尙未定。誰某。傳言將派親王貝子以重其事。承辦之員。於招待正文外。又兢兢以親貴行宮。爲見好之要點。招待之外。又有招待。而承其役者苦矣。督臣松壽意主節約。其先頗以招待糜費爲嫌。以故廈道等皆視爲畏途。部委麥道信堅。原係留學美國學生。諳語言。嫻交際。副以外部員外郎謙豫。與松壽有戚誼。冀無隔闕。將以豐其廩給。暢其遊觀。盡聯絡之能事。籌款四五十萬金。其所經營。繁瑣不暇紀。九月初三日。奉旨派貝勒毓朗。外務部右侍郎梁敦彥。勞問美艦。月中抵廈。預備接待禮單。先交美領事。內開十月月初六日。美艦隊抵廈門。是晚八鐘。美領事署宴請美艦隊司令官。及中國接待美艦隊人員。初七日。接

待美艦隊兵士三千人登岸。九句三十分鐘蹴球。十二句三十分。午膳。午後二句三十分。賽船。五句三十分。中國南北洋海軍總統薩鎮冰軍門給獎。六句鐘。角力武技。七句鐘。華式筵席。宴待三千人。初八日。午刻。午膳。下午四句。備茶點。初九日。接待美艦隊三千人登岸。九句三十分。蹴球。十二句鐘三十分。厲厦西人設筵款待美艦隊將校及中國官員。同時。三千人在操場用膳。二句三十分。球戲。三句鐘。開運動會。五句鐘。美艦隊將校及中國官員在公設運動場用茶。由厲厦西婦招待。六句鐘。角力武技。七句鐘。晚餐演戲款賓。九句鐘。外國俱樂部舉行跳戲後。大放燄火。初十日。中國 皇太后萬壽。接待美艦隊兵士五千人登岸。九句三十分。蹴球。十一句三十分至十二句三十分。華官開歡迎會。午後一句。午膳。二句三十分。球戲。七句鐘。宴請美艦隊將校兵士及厲厦西人。九句三十分。毓貝勒發給蹴球及球戲獎賞。並放燄火。十一日。美艦隊起碇離厦。十月初六之晨。美艦始至。影片見册首。總司令官施貝黎少將。由日本直赴小呂宋。校閱打靶。來厦美艦。係第三分艦隊。內分二隊。一歸依模利少將統率。旗艦爲「魯意三那」號。其他一隊。則歸希洛達少將統率。旂艦爲「韋斯康新」號。計旗艦魯意三那號。旗艦韋斯康新號。維及尼亞號。伊利腦伊號。密沙利號。基亞沙其號。哇海哇號。根德基號。共八艘。既抵埠。由中國飛鷹兵輪引導。泊於外港。總統薩鎮冰率巡洋

艦四艘。礮艦一艘。歡迎如儀。午前。互相拜會。入晚。華官在招待場。請依模利少將。及諸軍官。水兵。則在操場宴之。艦隊到時。觀者甚衆。而招待場。則華官發給入場券。限制甚嚴。外人頗不滿。宴飲間。毓貝勒致辭歡迎。盛述中國重視友誼之意。依模利答辭。亦謂美國常常爲中國之良友。美艦各弁兵。受此厚賜。心感無既云。初七日。午正。美艦隊司令官依模利少將。在「魯意三那」旗艦。邀請中國接術諸大臣等。午餐。午後。在操場舉行大運動會。入晚。華官在招待廳。邀請美艦大小軍官。晚餐。其餘美兵三千名。則在廳外曠地。設筵款待。各艦均遍燃燈火。誌盛。初八日。爲星期日。故無酬酢。各水兵亦均不准至城內鼓浪嶼遊玩。初九日。午正。旅居廈門西人。在鼓浪嶼西南總會。接晤美艦隊軍官。及中國接待諸大臣等。後即款以午餐。午後。西人貴婦。令孀復開會。款待各軍官。以誌歡迎。初十日。爲 皇太后萬壽聖節。午前。南北洋海軍總統薩鎮冰軍門。特在海圻兵艦。款待來賓。所有中美各兵艦。均滿飾旗幟。鳴礮致敬。旋由華人商務總會。邀請各軍官及諸西人小食。午正。水兵三千名。集食於招待所。席間由梁敦彥侍郎。舉杯恭祝 皇太后萬歲。美司令官依模利少將。旋即起祝。毓貝勒健康。經毓貝勒答謝有差。午後。舉行賽船。爲美旗艦魯意三那號所勝。入晚。廈埠西人復開晚餐會。即由毓貝勒贈給錦標。既畢。大放燄火。始各散休。是日。美艦隊司令官依模利少

記 載 美艦篇

一 百 四 十

十 一 月

將以。皇太后萬壽聖節日。特致電北京。藉表賀忱。十一日。舉行末次角賽踢球。魯意三那號敗北。維及尼亞號獲勝。當由華官贈給銀杯誌勝。所惜者。初十晚。施放煙火時。不料遺火於青年會所搭天幕。即遭焚如。所有預備分贈美兵之煙捲明信片等。均遭燒失。十二日晨。美艦啟碇。在廈時。各省官民。軍商學各界。及報館等。均致電表歡迎意。美艦隊先後答謝有差。宴飲茶會各節。均有影片載冊首。禮成。專使亦返。據廈門通信所述。則致不滿於是役。具載各報。於麥道尤多有責言。招待之難如此。詞煩不具錄。視日本之從容。殊不及也。